



## GIUVNETETGNA CADI

Fundaziun "Tür auf - mo vinavon"

Via Sursilvana 93 | 7175 Sumvitg

Telefon 078 673 57 38

info@giuvenetegnacadi.ch | www.giuvenetegnacadi.ch

Banca Raiffeisen Cadi, IBAN: CH91 8107 2000 0010 1773 4

### GIUVNETETGNA CADI

#### RAPPORT ANNUAL 2019

Igl onn 2019 essan nus semuentai sin undas in tec pli ruasseivlas, quei che pertucca la lavur operativa, denton tuttina cun niev e bia slontsch ed il bia ch'ei vegniu iniziav ei reussiu cun success.

La pli marcanta midada che croda en egl ei nies niev logo. Il zercladur 2019 ei era nossa pagina d'internet sepresentada en niev vestgiu. Duront differentas sentupadas cun giuvenils, representants dalla cumissiun ed il meinafatschenta Andy Monn, Luna Design, essan nus sedecidi per la varianta che vus veseis cheu all'entschatta da nies rapport. Il bustab **G**, che semuossa sapientivamein pli marcants, representa nos giuvenils e giuvens carschi. Il **C** ch'ei cul tgau engiu ed embratscha il **G** simbolisescha la Cadi ch'ensiara nossa giuvenetegna aschia ch'els ein en buns mauns, mo buca serrai en. Il tac grisch che sederasa encunter tuttas varts simbolisescha l'individualitad, la creativitad, la vitalitad e la movibladad da nos giuvenils. Nus astgein era prender per notizia ch'il vuler dar en egl e vegnir pri serius dallas generaziuns pli veglias ei in motiv da quei simbol dil tac che lai buc tener si e che vul dar l'atgna color en nossa societad e nossa regiun.

#### Commembers da cumissiun:

Robert Candinas president dalla cumissiun, delegau dalla vischnaunca Sumvitg, Morio Hitz delegau dalla vischnaunca Tujetsch, Jris Lombris delegada dalla vischnaunca Mustér, Gabriel Venzin delegau dalla vischnaunca Medel/Lucmagn, Kurt Wolf delegau dalla vischnaunca da Trun. Roland Just delegau dalla fundaziun Tür auf - mo vinavon.

Tgira dalla pagina d'internet: Madlen Deflorin-Spescha

Contabilitad: Susanne Strupler

#### Locals da sentupada:

Nos giuvenils han giu la caschun da sentupadar mintgamai il venderdis sera els locals da giuvenetegna. Quels locals sesanflan a Sedrun, Mustér ed a Surrein e vegnan survigilai da giuvenils e giuvens carschi che han frequentau il cuors da menaders da 3 dis. Per la survigilanza superiura e l'organisaziun ei la promotura da giuvenetegna responsabla. Ils venderdis sera fetschel jeu ina viseta a tuts 3 locals.

Uonn han 14 giuvenils frequentau il cuors da menaders\*.

#### Audienza:

La mesjamna suentermiezdi san ils giuvenils far diever dall'audienza – per disuors e cussegliaziun – che vegn purschida alternont a Sedrun ed a Mustér. Tier l'audienza ei la promotura da giuvenetegna presenta. Igl urari da termins ei d'anflar sin nossa pagina d'internet. Per ordinari fan entuorn 8 - 10 giuvenils diever da quella purschida.

#### Prevenziun:

Las seras per saver semuentar e dar giugs sut il num: "Halla aviarta" ei ina purschida bein frequentada. Nus havein purschiu quella per la tschunavla gada duront la stagiun d'unviern.

Ella ha liug a Rabiun ni a Trun. Ils menaders\* ein sepurschi da far transports da giuvenils ch'ei buca motorisai sch'ei fa da basegns.

Il project dalla "Halla aviarta" vegn sustenius finanzielmeins digl uffeci da sanadad dil cantun Grischun. Nos menaders\* han la pusseivladad da frequentar cuors da formaziun per saver optimar lur savida.

Projects realisai:

26.01.19 *Patinar e fondue* a Mustér

16.01.19 *Stop mobing* en collaboraziun cun il post da prevenziun dalla polizia cantunala a Mustér

22.02.19 *Fiera da plugls* per rimnar daners per la Talina a Sedrun



22.02.19 Fiera da plugls per rimnar daners per la Talina a Sedrun

29.03.19/ 05.04.19/ 26.04.19 *Sanadad sexuala* cun C. Rietmann a Sedrun, Mustér, Surrein

25.04.19 *Cuors da mischedar cocktails senz'alcohol* a Mustér

11.05.19 *In di culs pumpiers Sursassiala* a Mustér e Sedrun

14.05.19 *Sentupada* cun scolars e scolaras dalla scola cantunala "Hohe Promenade" da Turitg el local Cons a Mustér. Tema: *Rock, pop e rap romontsch*.



Viseta scolars "Hohe Promenade" da Turitg el local Cons

18.05.19 *Paintball* a Cuera

30.05.19 *Lavur voluntaria* per sustener las producziuns da teater el liber "La stria da Dentervals" a Mustér

08.06.19/ 22.06.19/ 09.11.19 *Cuors da menaders\** a Mustér

19.09.19 *Go Kart* a Magadino

30.10.19 *Sentupada cun sur Mathew Kurian* a Mustér

01.12.19 *Workshop: Jeu muossel colur, acziun encunter violenza* a Mustér



Flyer acziun encunter violenza a Mustèr

14.12.19 Workshop: *Organ Vibes* a Sumvitg, il giuven organist Flurin Monn dat la pusseviltad d'emprender d'enconuscher l'orgla dalla baselgia Sumvitg.

Duront igl onn da scola 2018/19 havein nus retschiert neginas damondas pil project "**Agid e sustegn da far pensums**".

Special:

Ils 7 da december ha la fundaziun **Tür auf – mo vinavon** astgau prender encunter il **premi Benevol**. Quel vegn mintgamai surdaus per remunerar e far public igl engaschi e la promoziun dalla lavur voluntaria.

Engraziel fetg a tuts che sustegnan nus.

Per GIUVNETETGNA CADI: Gabriela Cabalzar-Lombriser, promotura da giuventetgna  
Robert Candinas, president dalla cumissiun.